

Benevolentiam DEi & satisfactionem Christi universalem tamen reddi particularem, adeoq; exinde iterum elucidare Calvinismum, & si Niehenckius œconomiam salutis didicisset! R. Benevolentia DEi universalis, & Satisfactione Christi manet universalis in actu signato, uti & talis est in actu exercito, quatenus ex intentione Dei antecedenter volentis omnium salutem, ad omnes in Evangelio devolvitur & communicatur; Fit autem deinde, neglecta Conditione seu ordine fidei ac pœnitentiaz, apud malitiosos resistentes particularis, quæ est communis saniorum Theologorum doctrina omnium. Ille certe calvinizat, qui Benevolentiam DEi & Christi satisfactionem ad Electos tantum restringit, Reprobis præcise & absolute rejectis & exclusis: Non vero illi, qui gratiam Dei & Christi Satisfactionem in usu & fructu, credentibus tantum applicant; Ulteriusq; autem fructum induratis nolentibus cum S. Scriptura denegant. Supra laudati D. Lubini Orthodoxiam in hac parte, spero, Niehenckius non in dubium vocabit, qui Benevolentiam DEi & Christi satisfactionem universalem, in Applicatione fecit particularem Disp. ad 2. Tim. 1. 4. p. in. 24 2c. Verba eius sunt inter alia: *Universalis est promissio & voluntas DEi ad salvandum ad omnem omnino hominem se extendens, modo credat: „Eodem modo ut Lux Solis in meridie est universalis & communis omnibus in subiecto terræ & Hemisphærio hominibus, modo malitiosi oculi, non claudant vel in cryptis se occultent.* Nec aliter statui potest; Qvia Christus ipse docet Joh. III. 16. 18. Universalitatem Benevolentiae DEI & Christi Satisfactionis; Deinde etiam particularitatem utriusq;. Nam qui credunt, non pereunt, sed salvantur. D. David Lobeckius in Synopsi Doctr. de Prædest: tbes. CXLVII. docet, Vocationem duplicitis esse generis: *Universalem & Particularem diverso respectu, quem inde exponit. Similiter de gratia Dei & Christi Satisfactiones, quæ sunt objecta Vocationis, duplicitis esse generis diverso respectu, citra ullam heterodoxiam dici potest: Universalem & Particularem.* *Universalis, a Parte DEi antecedenter volentis omnium salutem; Particularis ex accidenti fidei & a missione hominum?* Ubi fideles Deus consequenter vult fieri salvos, incredulos autem damnatos. Confer D. Scherzeri Colleg. Anticatv. cum approbatione D. Ittigii, a Dn. D. Schmidio Prof. Eloq; celeberrimo editum Disp. 6. quia tamen ipsius simul Pseudoterministæ Dn. D. Ittigii falsa sententia de Vol. Dei antecedente *absoluta solide refutatur.* Desinat ergo coccyzare Niehenckius.

Cap. II.